

## Ա Ր Ձ Ա Ն Ա Գ Ր ՈՒ Թ Յ ՈՒ Ն

### «Վ 2014թ. գյուղատնտեսական համատարած հաշվառման նախապատրաստման և անցկացման Շիրակի մարզային հանձնաժողովի նիստի

**Ք. Գյումրի**

**08.08.2014թ. ժ.11<sup>00</sup>**

**Նիստը նախագահում էր** «Շիրակի մարզպետի տեղակալ պարոն Սեյրան Պետրոսյանը:

**Մասնակցում էին** «Շիրակի մարզպետի տեղակալ պարոն Հարություն Արշակյանը, «Վ 2014թ. գյուղատնտեսական համատարած հաշվառման նախապատրաստման և անցկացման Շիրակի մարզային հանձնաժողովի անդամները, Շիրակի մարզի բոլոր համայնքների ղեկավարները, հանրապետական գործադիր մարմինների տարածքային ծառայությունների ղեկավարները, մարզպետարանի աշխատակազմի կառուցվածքային և առանձնացված ստորաբաժանումների ղեկավարները, ԶԼՄ-ների ներկայացուցիչները:

**Ներկա էին** «Ազգային վիճակագրական ծառայության նախագահ, «Վ 2014թ. գյուղատնտեսական համատարած հաշվառման նախապատրաստման և անցկացման համապետական հանձնաժողովի նախագահի տեղակալ պարոն Ստեփան Մնացականյանը, «Վ վիճակագրության պետական խորհրդի անդամ, «Վ 2014թ. գյուղատնտեսական համատարած հաշվառման նախապատրաստման և անցկացման համապետական հանձնաժողովի անդամ, գյուղատնտեսական համատարած հաշվառման աշխատանքները համակարգող պարոն Գագիկ Անանյանը, «Վ Ազգային վիճակագրական ծառայության աշխատակազմի ստորաբաժանումների ու գյուղատնտեսական համատարած հաշվառման (ԳՀՀ) վարչության աշխատակիցներ Վարդան Գևորգյանը, Արսեն Ավագյանը, Գոհար Նշանյանը և Արմեն Շահինյանը:

#### **Օրակարգում ներառված էին հետևյալ հարցերը.**

1. Գյուղատնտեսական համատարած հաշվառման նպատակը և կարևորությունը:
2. Գյուղատնտեսական համատարած հաշվառման նախապատրաստման աշխատանքների ընթացքը:
3. Մարզային հանձնաժողովի և համայնքապետների կողմից ցուցաբերվելիք օժանդակության մասին.

ա) հաշվարարների թեկնածուների ներկայացում

բ) գյուղապետարանների, դպրոցների, մանկապարտեզների կամ այլ հանրային բնույթի շենքերում ժամանակավոր՝ **մինչև 3** (իրահանվող տեղամասերի) և **4** (հաշվառման տեղամասերի) ամիս տևողությամբ սենյակների տրամադրում

4. Այլ հարցեր (հարց ու պատասխան):

**Բացման խոսքով** հանդես եկավ նիստը նախագահող, ՀՀ Շիրակի մարզպետի տեղակալ **պարոն Սեյրան Պետրոսյանը**:

Նա ողջունեց նիստի մասնակիցներին և առաջարկեց աշխատանքը սկսել համաձայն ՀՀ Ազգային վիճակագրական ծառայության (ՀՀ ԱՎԾ) կողմից ներկայացված օրակարգի: Օրակարգում ընդգրկված հարցերը ներկայացնելու համար նա խոսքը տվեց ՀՀ ԱՎԾ նախագահ պարոն Ս. Մնացականյանին:

**Ս.Մնացականյանը** շնորհակալություն հայտնեց հանձնաժողովի նախագահին, անդամներին, համայնքների ղեկավարներին և մյուս մասնակիցներին մարզային հանձնաժողովի նիստին մասնակցության համար ու առաջարկեց սկսել աշխատանքը համաձայն օրակարգի:

Օրակարգում ընդգրկված բոլոր հարցերը (համակարգչային ներկայացմամբ 16 պատկեր համառոտագիրը, որը կցվում է) ըստ հերթականության ներկայացվեցին պարոն Ս. Մնացականյանի կողմից:

**Ս.Մնացականյանի** կողմից հատուկ առանձնացվեցին այն հիմնահարցերը, որոնք առաջնահերթ են ԳՀՀ նախապատրաստական աշխատանքների իրականացման շրջանակում:

Այնուհետև Ս. Պետրոսյանի և Ս. Մնացականյանի կողմից առաջարկվեց անկաշկանդ քննարկել հետաքրքրող ցանկացած հարց: Զեկուցումների շուրջ ծավալված մտքերի փոխանակությանը մասնակցեցին համայնքների ղեկավարները և այլ մասնակիցներ:

**Հնչեցված հարցերը վերաբերում էին** գյուղատնտեսական համատարած հաշվառման նախապատրաստական և կազմակերպչական աշխատանքներին, համայնքներում տնտեսություններին և համայնքին պատկանող հողերի փաստացի չափերի և համայնքների հողային հաշվեկշռի (կադաստրային չափագրումների) համապատասխան ցուցանիշների միջև առկա տարբերությանը (անհամապատասխանությանը), հիմնական բնակավայրից բացի այլ համայնքներում հողեր ունեցող տնտեսությունների հաշվառման առանձնահատկություններին, ժամանակին և լայնածավալ գովազդային աշխատանքների կարևորությանը և մի շարք այլ խնդիրներին:

Համայնքների ղեկավարների կողմից բարձրացված հարցերին Ս. Մնացականյանը տվեց սպառիչ պատասխաններ:

**Պարոն Ս. Պետրոսյանն** իր և հանձնաժողովի մյուս անդամների անունից շնորհակալություն հայտնեց ՀՀ ԱՎԾ նախագահ պարոն Ս. Մնացականյանին հանգամանալից զեկույցի, բարձրացված հարցերին սպառիչ պատասխաններ տալու համար և հավաստեց, որ ՀՀ Շիրակի մարզում ս/թ հոկտեմբերի 11-ից 31-ը գյուղատնտեսական համատարած հաշվառումը կանցկացվի բարձր կազմակերպվածությամբ: